


珠樹館集

卷下



珠樹館集卷之六

廩丘李

瓚玉舉著

平干劉榮嗣敬仲選

七言律詩

登嶧山

四首

空山寂歷有鐘聲
石磴叅差馬不行
澗水源源當路瀉
洞雲冉冉傍人生
千峰日落蒼烟合
萬木春深翠藹平
擾擾塵寰空浪迹
投閑寧復俟
河清

晨興山館飯胡麻迴合朝看五色霞玉井寒潭
飛白鳥琳宮活火煉丹砂林開遠岫遙橫黛藤
覆空巖半落花南插孤峰渾突兀時時雲氣走
龍蛇

脊嶂危峰奈險何相將携手一同過層臺磬落
仙人澗遠樹風生樵子歌四海登臨吾蠟屐諸
天放浪客捫蘿杳然自笑憐萍跡野鶴飛來碧
水波

羽客供人有濁醪洞簫清響徹雲璈法幢似隱
玄龜霧神鼎猶含白鳳膏嵐氣縱橫銜落日松
聲遠近走寒濤蒼蒼一望不知處回首五峰烟
靄高

約樊以續同登嶧山余從西下以續且携
妓東上竟不相值也畱此以別

漠漠飛泉惹客衣踏歌遲爾遽忘歸林巒未涉
風煙迴車馬翻憐踪跡違巖畔佳人歡更劇酒
邊春樹望應稀行雲迂道終難覓自識巫山隔
翠微

送王浮東父母擢水部北上

綵鷁翩翩下石梁
那堪杯酒對斜陽
歌將單父琴中曲
含入司空署裏香
旌度曉雲迷遠岫
帆開春雨洗輕裝
可憐別後相思夢
河水悠悠不是長

送陳旭憲大行還朝

八月星飛使者槎
晴虹千里逐皇華
將依子舍思陳表
公報劉念切久欲乞養云
忽念王程已及瓜
濟水寒煙秋鴈落
薊門春樹晚雲遮
省垣虛席跂君久

莫倚離尊悵日斜

酌突泉

清泉飛湧近城陽
最愛中流噴玉長
遠岸波聲無鷺宿
深山雲氣有龍藏
亭虛映月冰壺立
荷靜迎風珠葉香
我欲浮家倦行役
憑闌杯酒對滄浪

天津望海

海門落日暮雲橫
遠勢汪洋接玉京
三輔河山晴弄色
孤城波浪夜飛聲
還將津向天涯問
轉

覺潮隨入語生淺薄于今甘未達乘桴敢擬負
時明

楊柳青夜泊

望秋黃葉隨風盡此地猶傳楊柳青楊柳復生
遲日月河流終不返滄溟乾坤落落憐同病江
海茫茫吐蜀醒孤客近來鄉思渺寂寥隔岸一
燈熒

送吳振華移漢陽

湖海風流佐郡年驪歌西指碧雲天灤陽一路

星爲福盤水三春吏自僭雨過疎槐開曉幕月
明清署淡秋煙相思此去應回首別後新詩寄
幾篇

九日大風鐘樓宴集

萬里悲風入座狂千門秋色暗重陽浮雲葉下
林聲急返照沙寒鴈影長北海乍開尊酒綠東
籬誰送菊花黃高樓不盡登臨興醉倚茱萸夜
未央

秋興四首和以續

一雨疎蕪菊綻金登樓悵望夕陽沉煙浮碧樹
空山暮雲壓孤城亂堞陰白眼十年憐骨傲緜
袍千載見情深墻東羨殺幽棲客滿酌松醪爲
洗心

高天清露濕黃昏搖落丹楓過雨痕解以琴尊
邀海月不煩車馬到山村澄潭水落浮荷蓋小
徑雲閣卧竹根極目蒹葭秋色老蕭蕭此日向
誰論

孤城一片碧雲東梧葉蕭蕭墮晚風別後故人

還落魄秋來孤客更愁窮驚颺鴈陣迷寒浦過
雨雷聲破斷虹林外疎砧山外笛夜深相答月
明中

寂寞蓬蒿晝掩扉疎林松火隔殘暉金颺露下
仙人掌銀漢秋高織女機卧病雨餘黃葉落捲
簾雲盡白鷗飛誰憐宋玉蕭條甚欲賦新愁和
者稀

苦雨漫成

欲問青天何日晴十家九家屋宇傾寒鴈喚空

歛雙翼饑鳥避濕時一鳴菊叢偃蹇忽寒色松
徑潺湲自亂泓潦倒芳尊仍卧閣竹林不止浙
瀝聲

九日諸公集小園看菊

風雨連鑣過隱淪霜清石壁水粼粼肯將白眼
常看客豈有黃花不借人多病幾宵同夜月孤
城一望隔風塵醉來不記疎狂甚潦倒參軍折
角巾

送侯司理中鵠之汝寧二首

河橋冰泮水悠悠南陌孤尊送去舟晴柳陰連
官舍靜曉梅香落訟庭幽懸來藻鑑清誰擬賦
就明珠暗豈投二室峰頭雲片片可能飛寄到

滄洲

并州三載舊稱賢斗岳中原望自專桐栢東流
淮海月嵩高南極汝陽天嚴程旌旆春風度離
席燈花夜雪然計日徵書還北闕無窵好奏

聖人前

元夕酌客得元字

落梅一曲湯芳尊桂火榆星綴戶繁小着燈花
留客坐遙聞歌吹隔隣喧深杯共許酬佳節新
句誰能負上元痛飲漸看天欲曙無妨餘興待
朝暾

十六夜于少泉苑春洲樊以續王平可侶
永若過酌齋頭賤叔姪侍焉客云此竹
林會也因賦

賓主高歌興未窮七人恰與竹林同杯傳阮氏
還堪愧星聚荀門足自雄梅畔雪枝疎夜月燈

前花影弄春風莫辭文酒今宵醉同調手今與
數公

前作辱諸君賡和珠玉纍纍俚唱直糠粃
矣再疊前韻酬謝

入林把臂興難窮徒倚春宵夜月同但許濁醪
傾李白不須奇字問楊雄一時勝集臨佳節七
子名流媿下風顧我狂歌聊復爾陽春何以報
諸公

送劉衷初父母之新安

公自鄆城
調繁欽縣

吏才久已識劉寬才大翻知小邑難百里桑麻
傳舊澤三江雨露下新安烟迷曉樹烏岑迴花
發孤城廩水寒寂寞天涯飛夢杳雙鳧雲外路
漫漫

靳大有光祿招飲分得春字

地主翩翩滿座春高齋雅集對嶙峋芳尊把臂
憐花事綵筆分題屬酒人宦迹十年應自放詩
名千載爲誰珍狂歌不盡風塵感月沒寒階動
曉輪

和王真維過酌涉園之作

蕭颯孤亭此盍簪班荆斜日下遙岑狂歌自合
耽疎放吾道何須嘆陸沉虛谷聲傳黃鳥外幽
谿花發白雲深知君不淺王猷興把臂還能到
竹林

寄陸次價時客沈工部署中

經旬卧病兼逢暑強起看花到海榴憐爾望鄉
空墮淚爲誰乘興獨登樓輕颺雨過搖晴荔遠
渚鷗飛蕩晚洲見說水曹頻接席豪吟江漢識

風流

陸文弱渡江見訪艤舟濟上適遇河干輒
相驚喜投我三詩依韻和酬

憶昔歸帆丁未歲幾年江漢隔風流將無濁酒
疑清夢雅自綈袍戀白頭濟上狂歌追賀監剡
溪孤棹識王猷那期邂逅河干暮盡醉憑闌話
未休

東風一舸度吳閫江北江南春興長路入舊遊
應更壯人憐故態尚餘狂野情蘿薜余堪老逸
翻雲霄爾未量李杜齊名千載媿中原携手月
蒼蒼

吾自垂綸老釣鈞詞名一代讓君收野堂脩竹
畱賓醉小院飛花點徑稠魯越雲深期候鴈江
湖春遠解盟鷗別來多少風塵淚雲樹蒼茫未
是愁

喜文弱至自於越却贈

當年握別濟陽隄忽漫相逢慰解携千里孤鴻
秋未老五湖雙鯉字堪題白樓雨色迷殘霧南

沼煙寒裊曲溪斗酒壚頭應共醉不須回首剡
雲西

王浮東父母選擢南臺候

命未報詩以遲之

揚柳毵毵碧欲垂南來底事又愆期乘驄海嶽
聲千里攬轡江關望幾時花發河陽餘錦繡酒
懷濟水錢金卮土喬故有風雲鳥柱後冠彈豈
謂遲

何日旌麾下石頭羈懷無奈木蘭舟心懸京國
春雲遠夢落江鄉夜雨愁白簡囊中高氣象綵
毫江左識風流只今遺愛還東土一爲蒼生慰
舊遊

友人邀飲泛湖

蒼茫萬頃接湖煙簫鼓中流返照懸遶樹帆檣
山欲動含風波浪柳相牽涼生雲葉歌聲發碧
入荷香暮色連自識主人憐醉客月高殘夜未
歸船

再泛值雨

雲起風來更造舟良辰杯酒未應休遠燿昏樹
天齊落急雨吞波夜倒流窺座魚龍時隱見狎
人鷗鷺乍沉浮平橋路迴誰能到簑笠無妨醉
裏遊

夏日諸君在酌涉園得寒字

徙倚園林雨後看幽懷那許醉中闌琴尊不速
三人至水竹應生五月寒娛客未能鸚鵡賦棲
身真愧鴟雞冠明霞冉冉村煙暮共折榴花卜
夜殘

送侯高奩謁銓北上

楊柳蕭蕭秋復清那堪攀折對飛旌雙鳧雨露
朝天日一劔風霜報國情瀛海亂煙殘照遠燕
臺孤月暮山明東籬會有黃花約陶令何妨醉
落英

懷沈青門

貂裘零落滯燕都何處高陽舊酒徒綵筆花生
清夢遠朱絃聲杳白雲孤千山離思傳雙杵四
壁寒光卧一壺歸去江東秋色暮扁舟曾向剡

溪無

送隨觀渠南還

携手津亭不可望
驪歌凄切曉雲涼
不堪飛雪驚殘歲
况是逢人入故鄉
長劔衝星關外月
空林拂曙馬頭霜
莫將白髮悲遲暮
徙倚清尊錦瑟傍

長安雪夜懷岳翁太僕于公時有薊門閱

馬之役

連朝僵卧掩荆扉
遙憶長途雪滿衣
邸舍蕭條

人去遠寒空浩渺
鴈來稀冰花色
趁霜蹄落雲錦光
浮風絮飛見說
驥羣空冀北
馳驅歲晚未
言歸

長至

節序離懷兩不堪
星霜忽忽歲將淹
音書道路雙魚遠
愁日關河一線添
微月籠煙昏短燭
寒風吹雪急疎簾
晞陽未分天涯客
一夜干將手自拈

除夕言懷呈方胥成詞盟

二首

千里蕭條同作客一聲爆竹歲云除天涯涕泪
情難已日暮鄉關夢亦虛堤柳欲偷芳草意閣
梅無奈落花餘真成潦倒文園病明發新篇爲
起予

不緣抱影獨含愁歎往嗟來轉自羞入耳朝元
闕下騎傷心除夕掌中甌關河感慨生雙屐湖
海行藏敝一裘獨對寒燈春寂寂候家歌吹動
高樓

人日通州道中

無奈連日風雨愁人日晴朗發通州流澌緩急
始生意殘雪依微明古丘路回馬踏春雲亂日
落鴈歸晚塘幽自笑浮生空躑躅萍梗漂泊何
時休

元夕飲張文仲燈市樓次周兆通韻

風藹燼清萬國同當筵斜月敞樓東壺觴不負
燈花約車馬還歸羅綺叢五夜歌喧人語外九
微光滿帝城中太平此夕堪謀醉煖閣梅花喜
欲紅

元宵病懷寄梁大年

帝里繁華景色奇，空齋寂寂漏聲遲。
青春未起窮途色，白玉空薰達曙枝。
伏枕他鄉停酒日，斷腸中夜苦吟時。
倚闌獨立窺牛斗，月滿梁園却爲誰。

送沈存白工部督河報滿暫還武林

兩岸青青遍柳條，送君杯酒悵河橋。
錦帆氣色青雲迥，畫省風流白雪饒。
物望日高滄海觀，恩波春滿浙江潮。
水衡膳_有迴瀾意，早奏平成報。

聖朝

送沈無圻孝廉侍乃翁工部還武林

繫纜長隄柳似煙，鶯花去住各凄然。
江天雨掛春帆外，海嶠風生畫錦前。
白雪一時文酒地，綵衣千里孝廉船。
湖邊不淺年來興，何日偕君聽采蓮。

送陸次楨偕沈工部之姑蘇

同舟仙侶五雲中，匹練吳門入望雄。
三月煙花過濟北，一帆春雨下江東。
湖山盡入詞人句，意

氣爭高處士風歌罷驪駒須共醉如君踪跡本
冥鴻

卽事

春來花事倍相關日日幽尋未卽閑草閣餘寒
怯鳥哢山村一雨悅龍顏池邊靄靄煙初綠庭
下陰陰苔欲斑懶慢自耽丘壑美頻將杯酒對
潺湲

首夏邵陳陸三山人飲涉園得交字

徙倚松林露拂梢憑闌野色散晴郊初篁逼座
含新粉乳燕穿簾覓舊巢斗酒鶯花寧混俗
年金石此論交子雲老矣餘玄草牢落無須更
解嘲

贈別邵山人

握手同歌行路難淒其麥雨逼春殘尊前吾戀
青山別袖裏君飛白雪寒逸氣自豪疎劍術時
名藉甚老詞壇風塵回首還相憶尺素無忘寄
考槃

送王別駕之閩中運副

把酒孤城落日邊白雲千里掛帆前
蓴鱸秋入題輿與湖海聲高佐
羆年江上晴霜天柱曉閩中爽氣
武夷偏懸知無限澄清意此日鹽官
未易賢

送侶永若會試

十月霜林葉盡黃閣雲携手暮蒼
蒼勞歌才唱吾先醉逸氣雄飛爾
自狂駿足那須論市價龍頭終擬
冠詞場長安無數花如錦折取春
風第一香

寄陳公望時寓都門

憶別城陰雪滿途如何揮手又江
湖天涯霜色生青鏡帝里風煙入
畫圖暑雨一川芳草合晴雲千里
客星孤招携肯負看花約幾許同
心舊酒徒

答潘杜若

煙水冥冥各愴神孤舟邂逅濟河
濱萍踪天地誰知已瓠落文章自
誤人才既違時空道路義猶傾蓋
媿風塵淹畱擬下徵君榻殘菊新
醅莫

厭頻

寄于太僕岳翁 二首

清秋征鴈落晴沙
門巷蕭條卧晚霞
千里關河飛夢杳
孤城風雨斷虹斜
幽溪水漲浮新竹
古木雲來暗落花
閉戶著書無一字
窮愁何以報京華

長安三月大刀頭
回首西風憶舊遊
短笛飄寒半庭雨
疎砧響夜一輪秋
煙生深谷迷鄉樹
雲盡高山望帝州
寂寞各天悲紫玉
不堪搖落

入新愁

送玉賓吾移教大嵩

海城東望曉茫茫
匹馬寒嘶道路長
莫以途窮悲阮籍
豈因官冷歎馮唐
蓬萊佳氣籠魚浦
島嶼晴光入鱣堂
別後故人千里隔
相思中夜幾迴腸

送許季穎之金陵

北風無復鴈南飛
底事長途雪滿衣
相對一尊潦倒盡
不堪孤劍別離揮
秦淮月落寒江靜
瓜

步潮生夕日微便欲臨風憶玄度閉雲野鶴莫
忘歸

酬侯民部中鵠紀夢詩

有序

癸丑仲秋晦夜中鵠夢以青黃二縑相
贈至齋頭見几上縹帙是先京兆遺草
輒爲記序晨則詩紀之卽以損示云邯
鄲子禮爲曹娥碑才得蔡家一黃絹茲
復加青公子不更擅一色絲耶莊誦主
臣奉酬二首時復以依竹堂詩見貽統

此志謝

賦就黃花調轉工雙縑一夢落秋風縹囊舊識
青箱色白雪新飛碧玉叢雅自綈袍憐范叔那
堪匹錦寄文通當年意氣還誰似羣紀風流千
載同

其二步原韻

題鳳相過憶昔時新詩讀罷一凄其人倫齒頰
誰堪重年少才名總未奇已艷錦囊開並綺坐
慙黃絹有餘絲孤吟擬報瓊瑤句咫尺冥鴻不

可期

送蔣弘宇上春官

才子乘春入上林鶯啼紫禁曉陰陰黃金忽動
高臺色白雪爭傳絕代音鴻鴈尊前騷客興驪
駒天上故人心諸生久異嚙魚瑞此日雄飛豈
陸沉

除夕雪柬以續

何來雨雪催時序水霰霏霏晚更濃弄色素華
輝綺閣飛聲寒夜落疎鐘迎春早報驚人句守

歲空憐病客容臺畔漫期誇躍馬泥中應自有
蟠龍

元日書懷柬侶永若

積雪孤城煖尚遲疎梅橫閣迥春姿乾坤未盡
關河淚天地空餘鬢髮絲過眼風塵難卽糝入
唇杯酒故須持朝來準擬椒花頌綵筆新題欲
寄誰

元日酬以續見投之作用來韻

隙駒過眼韶光換寂寂壯心還自違竹葉乍隨

莫葉吐梅花遙趁雪花飛野情懶慢頻爭席時
事蕭條合掩扉春日五湖煙水濶百年回首愧
漁磯

答于爾覺對雪見憶之作

雷聲曉送六花新是日雷鳴倚劔雲天憶所親北海
清尊寧負客西堂白雪幾懷人心雄老驥誰爭
足目斷歸鴻自愴神一艇山陰堪與劇壚頭濁
酒不勝春

送葉茂先之濮訪蘇大叅

西來幽興滿奚囊杯酒驪歌又濮陽詞賦賈生
雄入洛風塵枚叔倦遊梁茂先來自中州白雲愁色迷

青嶂黃鳥春聲帶綠楊北海尊開東閣讌能無
新句動蘇章

雨中得凌見龍書答寄

何處春風獨倚樓懷人一紙到窮愁自憐龍劔
中原合幾許驪珠下里投山冷翠屏雲影暮池
涵石鏡雨聲秋淒迷無數王孫草曾憶盤溝是
舊遊

雷電驟至有懷郊園牡丹

騰雲霹靂喧停午電急藥闌花豈宜已厭塵沙
昏野色不禁風雨妬春姿凋殘國本吾憐汝飄
落天香爾怨誰向夕空悲車馬寂倚闌吟望獨
凄其

春暮

經時簡懶虛遊屐把酒看花意轉親三徑尋常
多卧病百年九十此殘春支離丘壑誰知已歷
落風塵可笑人長嘯獨吟谿水畔白雲無乃屬

閒身

遊興

欲遊不遊春已暮片帆何日掛江關蹉跎鼓枻
憶遠道潦倒着屐空名山向平婚嫁應未畢滄
岳鬢髮今已班滄洲篔簹願誰阻吾輩寧老甕
牖間

酬爾覺五日獨酌見懷

佳節無朋亦可憐于時孤興自翩翩客從舊雨
看花別人憶新醅斷艾前聊爾清尊期不負依

然白社夢相牽卽今河朔人無恙愧汝高歌醉裏傳

病中答以續

病起逢人不著冠北牕高卧一加餐維摩幾笑尊生拙阮籍空悲行路難伏枕豈緣詩思瘦看花猶憶酒腸寬何來白雪新題句小閣風生六月寒

病東陸文弱時文弱亦病

夢回竹塢曉雲新伏枕裁詩意轉親風雨一天雙卧病江湖千里獨傷春向來泉石終成癖爾日菰蘆合有人爲問案頭諸卷在等閒白壁好誰珍

送陳公望之洛陽

風塵何事動行裝匹馬翩翩向洛陽清夢不隨征鴈盡離愁新爲故人長三川花月秋光遠二室雲霞曙色蒼見說周南多勝跡到來佳興滿奚囊

同以續過苑逸人隱居畱贈

一枕青山不願餘百年村落自成居徵君貰酒
寒畱客童子分泉曉藝蔬斜日荒煙衰柳暮白
雲清渚晚荷疎蔣生好爲開三徑從此羊求數
命車

隄上曉行和田瞻甫

千頃湖光曙色連馬頭殘月落霜天灘聲忽轉
漁歌外旭日初高鴈影前漲水雲間喧野渡人
家樹杪淡荒煙相看此日餘豪氣何處秋風不
可憐

湖中晚眺寄于爾覺

平湖日暮水漫漫萬頃蒼茫不忍看樹裏明霞
開霽色帆邊輕浪掛春寒歸雲忽傍雙鴻暝返
照遙臨匹馬殘萍梗漫憐驅物役觀濤興在未
應闌

別于爾覺昆仲之西晚次安居

湖西十里浩煙波匹馬殘陽晚渡河客路片帆
愁裏落宿醒幾日病中過沙明極浦村燈亂雨
響荒山夜鴈多莫笑旅途逢歲暮勞歌無奈別

離何

鴈字

臨池弄影寫清渠斜灑勻排點碧虛雲翰風前
翻鳥篆霜毫霞裏煥天書縱橫草脫啣蘆後飛
動珠聯戲海餘但使上林能繫帛不妨秋去幾
行疎

雙白燕

雙飛白燕語梁間簾幕相將色一般銀翦並裁
霜羽媚玉樓對舞縞衣閑聯翩兔死雪難識比
翼蟾宮月可攀莫向昭陽矜素質趙家姊妹妬
殊顏

中秋同于爾覺昆玉濟上諸公玩月

城頭一片青天月秋色平分卽此時暫向素華
開綺席忽飛明鏡落金卮樓臺涼入關山笛桂
樹光搖烏鵲枝把酒不辭終夜望幾回醉裏漫
題詩

題趙氏樓

此翁喬齡而子
以青衿應試

危樓百尺倚河濱獨上蒼茫萬里春勝地自偏

陶令宅連城應抱趙家珍
憑虛日弄明霞暮
逞望時占瑞靄新
南極夜來增氣象
奎纏一宿動高旻

九日諸公集飲頰青閣分得臺字

蕭條孤閣爲君開
佳節佳賓共一盃
黃菊未甘霜色老
白雲不散鴈聲哀
當尊寒葉千林下
倚檻秋風萬里來
勝事龍山還我輩
小樓今日當登臺

送陸文弱南還就試

二首

河橋握手各淒其
送爾西風酒一卮
明月孤踪千里別
白頭二子百年期
暝岫寒煙飛轡遠
空江夜雪掛帆遲
青雲勉矣公車業
此去王孫得意時

騷歌風起白雲愁
野老臨圻淚未收
十日尊開盤水暮
一時客散大江秋
風塵吾自烟霞癖
湖海君成汗漫遊
龍劍有神應更合
南池春雨望歸舟

珠樹館集卷之七

廩丘李

瓚玉舉著

平干劉榮嗣敬仲選

七言律詩

答呂司理介孺九日見懷之作

喜從雙鯉見新詩
風雨無端阻所思
衣白不供元亮醉
草玄誰問子雲奇
秋臨高閣千山暮
霜動孤城萬木知
鴻鴈黃花空滿眼
豪吟非復少年時

答魏元吉聞鴈見憶之作

搖落西風帶暮霜
相思一夜共愁長
不堪兩色催林葉
可奈秋聲入鴈行
十載病高江上櫓
孤城寒引夢中觴
黃花老矣離羣久
倘過陶家醉不妨

贈沈石蘭

湖海相逢意氣豪
歌酣白眼傲吾曹
論交南國無雙士
握別中原忽二毛
調入陽春爭和曲
名成文藻更揮毫
客星偃蹇天涯暮
幾欲因君解佩刀

佩刀

過清源訪米工部仲詔

南宮詞賦壓西京
海內爭傳大米名
世載浮沉人未老
九河疏濬績初成
林間月傍清觴滿
几上花從綵筆生
不向玄亭來問字
風流容易識韓荆

米仲詔四奇詩次薛千仞首韻

米家園

一丘一壑鎖春風
展卷雲林在望中
山色動搖

燕岫紫花香流入御溝紅亭前放鶴迎漁父溪
上飛鷗狎海翁爾自優游兼吏隱天都占勝勝
難窮

米家燈

燈卽園
景爲之

試從寶炬借餘光飄霧浮烟燦一觴火樹剪成
丹壑繞水雲寫向碧紗藏明疑蘿月臨山閣影
倩蘭膏見石梁怪底勺園增氣色夜來春到聚
星堂

米家石

得來奇石自神僊天劃玲瓏此一拳遂有雲衣
生几席能無懷袖秘山川靈根忽動南宮色爽
氣遙開北極天一自烟霞深結癖幽心不轉似
同堅

米家童

可兒一曲脫凡塵豈是梨園隊裏人何物盡傾
席上耳爲誰輕試酒邊唇因兼記室稱文侶宜
置吟壇作近臣莫謂司空渾見慣阿榮重現米
家身

夏夜仲詔招玩海淀園燈分七言律庚韻
暑夜看燈醉眼明眼前丘壑倍關情一泓碧水
猶含照十里青山不受繁虛惹花香飛蝶遠巧
移松火度蛾輕依然華圃開尊處河朔風流北
海名

題米家園燈二首依呂九如太常體

九微綴景散華軒丘壑能令到處存綵色一堂
開綠野林光幾道破黃昏尊前烟樹搖殘燭鏡
裏雲山失遠村海淀不須勞悵望米家燈是米

家園

蓬壺燦爛錦層層彷彿東林曙彩凝絳蠟高懸
山月小銀缸隱映海波澄雕闌畫舫熒熒麗雲
洞星橋面面蒸那得分光常卜夜米家園是米
家燈

戊午聞警 八首

年年兵馬備遼東撫順驚聞已被攻風卷黃雲
胡騎入沙昏白日塞城空按圖不變孫吳畧決
策難期衛霍功數十年來要挾盡始知失計在

和戎

指點三軍不受刪子遺無復在行間雲霓有望
援東鄙鎖鑰何人護北關道上漸看兵似豎陣
前那見米如山結連諸部夷氛惡宵旰空勞怒

聖顏

千里沙場盡血流海天不散陣雲愁鏡歌恨入
關山月野哭聲吞風雨秋朔漠漫驕豺虎穴乾
坤無恙帝王州籌邊久已空談誤賈誼常懷
漢室憂

將軍何似霍嫖姚羽騎駉駉夜度遼幕府東驅
夷部遠關門西扞帝京遙旌搖陣影奔胡隊
兵過屯營插一標白骨黃沙應墮淚幽魂已斷
不堪招

聖主傳聞已震驚詔書遙下石頭城須防薊北
隣強虜何事江南調遠兵廣莫妖氛迷大漠黃
昏鬼火弔空營儒臣賸有安邊畧痛哭呼天當
請纓

華表山前簇戰旗薊門城下羽書馳嘔心欲盡

持籌吏繫頸難遲問罪師寶劍尙方徵緩急金
甌半壁係安危燎原杯水寧無濟爛額相從正
此時

黃塵滾滾接狼烟絕塞孤懸萬里天將士戰須
嚴玉壘胡奴志豈在金錢驚心四海論兵日回
首三朝入貢年闡外威名應不乏成功還許勒
燕然

如雲鐵騎擁長安此日誰登漢將壇自識廉頗
堪拊髀猶令貢禹笑彈冠波翻海日烽烟急沙

走陰風劍戟寒徒抱杞憂憂更劇顛危不獨在
三韓

登安平鼓樓贈汪水部來虞時公偶恙

長河淼淼白雲隈高閣憑陵爽氣開遠目欲窮
千里盡狂瀾真見百川迴塞裳湖海逢仙吏倒
屣風塵愧異才訝道文園消渴甚可堪惆悵賦
歸來

同吳玉鑑翁維祺維明徐衡甫龍潭觀荷

限韻

湖天一望水雲涵客子新停雨後驂蟾影半輪
生暮堞龍吟千丈落深潭尊前得句猶堪詠花
下論心覺易酬他日烟波追勝迹今宵風月助
清談

送呂司理豫石擢銓北上

徵書新下五雲隈使者遙臨漢署開藻鑑昔曾
推折獄人倫今復借題才燕山曉月迎星轡魯
水秋風送酒杯此日 聖朝需啓事暫時畫錦
莫徘徊

梁如星邑侯迎養太母至邸賦贈

春風花裏駐潘輿芳政遙傳綰邑初獻壽自將
階下鶴加餐豈厭釜中魚絃歌已徹鳴琴外戲
綵何妨製錦餘南極郎官雙宿合夜來交暎使
君廬

寄懷肥鄉令蔣弘宇

洛水音書久寂寥凭欄吟望雨瀟瀟幽懷重把
三秋臂傲骨猶存五斗腰袖裏清風高象魏山
中白髮穩漁樵南樓題罷相思句一段離魂不

可招

送郭伏生之南海

千里交情此一卮送君匹馬暮春時姓名敢向
曹丘託品藻還求郭泰知薊北風煙人去遠天
南書札鴈歸遲可憐別後相思日更有新詩誦
向誰

送陳和卿繇梁楚還吳

莫向西風嘆陸沉飄零杯酒故人心漸看座客
羊求少轉覺交情羣紀深二室雲低梁苑暮五
湖木落洞庭陰片帆歸去吳門道秋滿千山楓
樹林

輓呂翁 二首

風捲殘林雨雪霏墓門遙指淚沾衣粒丹九轉
朱顏老杯土千秋俠骨稀古道雲屯走馬地空
山月冷釣魚磯應知化鶴人常在華表他年歸
不歸

流雲逝水杳難尋忍聽林間薤露音忽訝黃泉
邀客駕俄驚白雪失人琴三聲夜雨啼猿淚千

里秋風斷鴈心道有倥傯難可問琳宮琪樹總
浮沉

贈徐文孺

匹馬蕭蕭萬木殘獨携孤劔醉中看無因風雨
悲秋色有意琴尊戀歲寒鴻鴈自憐千里別鷓
鴒那計一枝安乾坤到處人爭識此去休歌行
路難

七夕答徐文孺

涼飈織月淨雲屏執手論心過草亭玉樹尊前
逢七夕銀河天上度雙星風光冉冉皆成趣世
事悠悠不願醒寥落故人悲白髮膏騰相對眼
終青

鳴雨

鳴雨蕭蕭暮色深忽來雲氣生虛襟籬落花香
乍流濕隴田麥秀始結陰潦倒窮年無遠味支
離終日自苦吟倚檻松風不成度浙瀝哀竹誰
能禁

雪中聞鴈

霏霏白雪滿銀塘忽有清音下鴈行六出高飄
寒陣遠一聲遙帶冷雲長淒迷豈落衡陽後哀
怨空流兔苑傷此際憑闌正愁絕莫教嘹唳斷
人腸

過汝州贈陳旭窓兵憲

宦遊轉覺別情親汝水相逢一問津推轂久虛
明主席建牙猶積漢庭薪郊圻父老聞歌誦河
洛瘡痍借撫循見說南州懸榻在好憑杯酒慰
風塵

王水部尊慈毛太安人壽屏詩

板輿初下五雲邊壽域新開戲綵天南極星光
低粉署北堂春色醉華筵嶺山毛女身爲瑞都
水王喬更是僊母子令名兼苦節栢舟棠樹古
今傳

劉半舫晉左轄留守東兗

春風憲府喜遷鶯卓異聲華震

帝京

時公首舉卓異

慶逐旌麾人未遠雨隨車轍駕偏輕百年湖海
依劉日數載干戈借寇情此地旬宣知簡在佇

看節鉞慰蒼生

輓于烈婦二首

有序

于爲高刑郎西灘媳也西灘執法不阿
忤時被謫其貞操勁骨朝野凜然而賢
媳慷慨殉義 天語褒旌堂下觀乎室
植節詎無自哉

驚看連理忽分枝不及黃泉無見期寧復人間
繩繫足想應地下案齊看修文杳矣青春別赴
義悠然白練知婦節夫名俱不朽丹書彤管並

傳奇

爾翁骨鯁氣嶙峋植節深閨信有因白首已乖
偕老願紅顏肯作未亡人啼殘斷鴈雲邊月愁
絕孤鸞鏡裏春愧殺鬚眉經史輩幾人慷慨與

同倫

題解諫議重封冊

黃門兩奉漢宮恩復有 龍章下 帝闈李署
聲華搖海嶽梧垣風采震乾坤鳳翎五色雲霞
麗馬鬣千秋雨露存光裕爭誇奕世美絲綸詎

止及椿萱

題方周延兵曹祖母旌節卷

白首存孤號未亡孫枝崛起賴高堂貞心匪石
含冰槩勁質如松傲雪霜遺訓三遷思孟遠

周延

祖母孟姓

陳情一疏報劉長緡雲署裏饒佳氣彤管

輝騰紫誥光

題游都幕乃翁德義冊

鳳凰池上影翩翩有子風流毛羽鮮詩禮自閑
家訓遠簪纓世沐主恩偏多金倒篋周宗戚

廣陌封腴翼聖賢

乃翁捐地以資黌宮

在底斗南增氣象

歲星高卧五雲邊

徐準明秦一水過訪小酌準明留題依韻

和答

任他佩玉與簪犀何似琴尊日共携塵尾玄談
生逸興案頭白雪有新題春宵激賞仍風月清
署淹留但黍雞醉裏狂歌君記否明朝仔細問
詩奚

碧雲寺

羣山迴合鬪奇峰
谷口捫蘿翠萬重
雙洞飛霞窺淨界
諸天返照落高春
疎鐘渺渺閉隨鶴
清梵蕭蕭遠起龍
幾欲摩崖看古碣
蒼苔雨過白雲封

中秋夜雨趙養恬奉常邀同汪洲鳧李濬

源趙文度劉平山集飲署中分得秋字

衝泥相過晚庭幽
同舍論心意氣留
佳節那堪終夜雨
清光何處一輪秋
傾來濁酒情俱暢
賦就新詩暗莫投
縱使今宵興不淺
爭如庾亮在

南樓

王明宇戚畹招賞秋海棠占贈

君家庭砌錦迷離
海棠發豔秋滿枝
故惹微風散粉澤
才經細雨濕臙脂
高天碾霞霏碧落
甘露結液上清持
吾黨醉從花下飲
半夜移燈寫新詩

早朝值雪

彤庭踏舞雪初飛
拂曙寒風亂素輝
瓊屑霏微依御座
氷花繚繞點朝衣
光搖雉尾迷仙仗

羣山迴合鬪奇峰
谷口捫蘿翠萬重
雙洞飛霞窺淨界
諸天返照落高春
疎鐘渺渺闕隨鶴
清梵蕭蕭遠起龍
幾欲摩崖看古碣
蒼苔雨過白雲封

中秋夜雨趙養恬奉常邀同汪洲鳧李濬

源趙文度劉平山集飲署中分得秋字

衝泥相過晚庭幽
同舍論心意氣留
佳節那堪終夜雨
清光何處一輪秋
傾來濁酒情俱暢
賦就新詩暗莫投
縱使今宵興不淺
爭如庾亮在

南樓

王明宇戚畹招賞秋海棠占贈

君家庭砌錦迷離
海棠發豔秋滿枝
故惹微風散粉澤
才經細雨濕臙脂
高天碾霞霏碧落
甘露結液上清持
吾黨醉從花下飲
半夜移燈寫新詩

早朝值雪

彤庭踏舞雪初飛
拂曙寒風亂素輝
瓊屑霏微依御座
冰花繚繞點朝衣
光搖雉尾迷仙仗

色晃龍鱗靄禁闈此日千官爭獻賦太平豐稔
瑞應稀

奉使榆關呈孫樞輔

政府臨戎典自優平章軍國借奇籌黃扉久負
宗臣望紫塞長分 聖主憂鎖鑰當關雄虎豹
風雲列陣蕭貔豨筵前快領吞胡畧元老應知
有壯猷

同劉兵憲登望海樓

憑闌一望晚蒼蒼檻外烟波萬里長地敞扶輿

通絕域天垂浩渺華巖疆鼉鼉浪起搖雲白虎
豹羣空慘日黃欲奏安攘厯指顧茲爲要害莫
疎防

送葛大參備兵梁州

隴雲漠漠動秋聲匹馬寒嘶塞外征對客不須悲
短鋏吞胡時欲請長纓河盤太華分秦壘山過天
臺指漢城數載狂氛應迅掃佇看露布入春明

秋懷

落木蕭蕭天晝陰閑庭疎雨座邊侵鶴驚曉夢

迷鄉思鴈引愁心急夜霖不信馬卿常落實誰
云謝傅倦登臨憑闌何限江湖興空復悠悠歎
滯淫

雜興 二首

拂岸霜飛夜有聲雲間嘹唳亂鴻鳴高樓忽下
三秋淚遠水空深萬里情遠海烽烟傳羽檄漁
陽虜騎接邊城何人解有匡時畧北斗遙瞻劍
氣橫

頻年戎馬駐遐荒轉戰旌旗出上方節鉞依然
開薊北山川何處問遼陽西來愁見邊塵黑東
望時驚海霧黃司計不須頻借箸間閭剜肉倍
堪傷

送袁侍御熙宇被謫還里 二首

只此單車亦 主恩春明回首望 君門豈因
張翰尊鱸切自愛陶家松菊存匣裏青萍閒日
月山中白髮老丘園丈夫不灑臨岐淚高唱陽
關對酒尊

不用青山回白頭驅來九折見驂騑違時漫灑

孤臣血去 國誰分

聖主憂自信 匡衡多抗疏 空悲王粲獨 登樓乾
坤故有垂綸興 濟水秋風老釣舟

司園有作

吏散烏啼早 閉門空庭疎 雨坐黃昏明 時獄吏
原非貴 午夜爰書 豈憚煩 時有陰風傳 夜哭應
知寒谷望 春溫莫愁籠 烏無飛日解網欣逢

聖主恩

時熱審
旨下

• 三屯署中次壁間韻

馬蹄終日歷 霜風野徑崎 嶇亂草叢 四塞河山
雄薊北 三屯營壘壯 畿東烟開曉 嶂孤雲遠路
遶寒流 一線通行役 勞勞堪自歎 興來沽酒醉
新豐

依韻答諸僚友贈別詩

敢向明時歎 不辰鴈行寥 落別愁新 尊開南浦
情偏劇 官入西曹 句自神 匹馬山中 憐暮雨 扁
舟江上 憶秋萼 長安此去 音塵杳 懶折梅花一
寄春

余初歸里劉半舫兵憲以詩見慰依韻奉
答

芒屨今已入山深未許紅塵點綠陰豈是沉魚
思避網可堪倦鳥不歸林時多按劍羞彈鋏世
少知音欲爨琴忽覩緘書增感慨白頭應笑有
蓬心

答國我立見贈用來韻

新詩何必減陽春欲和高歌亦主臣玩世自憐
青眼濶論交却笑白頭新江湖已識風流逸杯

酒相看意氣親岐路悠悠悲去住與君俱是
遊人

丁光三大叅擢晉臬長復留備兵大名時

復舉子寄贈

福星幾載鎮陽平手握麟符夢叶庚客喜添丁
仍借寇人非化鶴轉遷鶯弧懸憲府霜猶肅節
駐藍田玉已生惟底華封多誦祝畿南誰不倚
長城

題于爾覺雨香亭

開府名園濟水陽
茆亭新構業重光
簷前花落香疑雨
檻外松青雨散香
荀令風流芬几席
謝家詩句妙池塘
幾回載酒探奇過
潦倒芳尊興未央

送高西澗 賜環北上

拂衣歸卧水雲鄉
喜見蒲輪出尚方
早已長沙還賈誼
豈應郎署老馮唐
讞餘更醉金臺酒
朝罷猶含御座香
點檢烟霞都付我
太平勳業美無疆

送邵鄧林南還

憐君終日念慈闈
孤劍蕭蕭送遠歸
客邸淚隨征鴈落
家園夢繞哺烏飛
吳江搖落迷秋樹
越嶠蒼茫悵夕暉
莫恠臨岐頻醉酒
風霜此去故人稀

起官自歎

一冠已掛復重彈
盛世恩波到考槃
明主環從天上賜
遜臣雪向鏡中看
徘徊小草驚春暮
寥落孤松見歲寒
爲語深山猿鶴侶
宦遊吾已

倦長安

送王民部明弼之京

十年謝傅卧東山斗嶽名高海岱間
帝借老成經國計人看耆碩冠朝班
秋風雲外帆千里別酒溪頭月半彎
聞道北堂頻勸駕知君捧檄慰慈顏

和劉半舫方伯聞警四首步韻時己巳季

冬也

薊門一望陣雲稠胡騎長驅近
御樓沙漠烟

塵昏豹尾燕山烽火照螭頭宵衣誰解趨
王

急朝食須期報國仇此日
主憂吾輩辱諸君
借箸有何籌

狡虜深窺已背盟驕軍誰遣復橫行
犬羊絡繹侵諸郡虎豹紛披擾近城
閫外未聞驅敵策隆中空負濟時名
論兵筆舌非難事只在擒王慰
聖明

漁陽一路盡胡笳野哭千村冷日斜
關吏開門延毳幕屬夷假道兒京華
祗應中澤矜飛鴈不

必嚴城問產蛙無力請纓安漢室夜深揮淚濕
燈花

年來講讐豈徒然到此方知款未堅魯仲一言
甘蹈海杞人千里漫憂天 陵京未許爲孤注
軍國應須計萬全何日執俘歌燕喜子遺引領
待旬宣

送張震川邑博之邵武授

握別郊原醉夕曛天涯回首隔重雲溪山勝槩
推昭武烟雨孤舟送廣文江上尊鱸思更切尊

前桃李袂將分可憐無鴈過閩海尺素何時一
寄君

郊園獨步

弄葢攀條步野園遊絲白日淡幽軒飛花莽蕩
還蜂入過雨間關有雀喧老去悠悠寧解事倦
來兀兀欲忘言紛披草色衡門下依舊菁葱護
短垣

送劉半舫擢光祿卿北上

忽覩徵書出漢宮旌旗遙指五雲中十年岳牧

推元老一代詞名屬鉅公調鼎有人依紫極攀
轅無計挽清風若逢宣室咨民隱杼柚東方近
已空

喜雨

半載不雨空塵沙今夕滂沱遍桑麻商羊差解
強人意神龍一興霈天涯注塘驚飛夜鳴瀑塗
林欲放朝來花見說秣田幸有歲我仍麩葉狎
年華

贈景益陳師

吾師耆碩本儒宗純嘏千秋淑氣鍾共向蓬蒿
高仲蔚誰從湖海識元龍溪邊垂釣竿餘竹林
下行吟杖倚松早晚功成丹竈熟好憑雞犬躡
僊蹤

答喻明時五日枉酌涉園次韻

四首

陰陰古木插青天下有滄浪日影懸載酒此中
堪避暑買山深處欲逃禪孤鴻雲外知何適野
鹿林間得自全未許獨醒傷往事一尊醪酌故
人前

班荆于此見清真雅集幽期屆五辰雨後碧荷
當檻出筵前棗竹上階新行來咫尺逢知己老
去尋常中聖人省識江湖須穩卧風塵處處是

迷津

十載漂零此地過明時其奈陸沉何汨羅人逐
東流遠河朔尊傾北海多染翰野雲爭麗藻留
賓荒逕詠菁莪莫愁歸去林塘暮新月纖纖掛
薜蘿

樹杪飛雲拂短衢杖藜潦倒笑狂夫一時池上
香風滿盡日林中暑氣無耽句已曾焚舊草傳
觴恰可泛新蒲祇應爛醉酬佳節何事隨人綴
綵符

濟上偶遇王遂東工部時將買舟之金陵
卽席贈別

兩年踪跡天涯隔回首猶憐燕市歌肯爲清時
畱骯髒那須岐路歎蹉跎白門渺渺春帆遠濟
水盈盈別淚多此地相逢殊不偶臨觴惜醉欲
如何

和吳聖隣讌集涉園次韻

塵尾清風滿座春
黃花綠酒倍情親
蓬蒿老我無多事
湖海看君有幾人
池畔娛賓葵作徑
山中避俗竹爲憐
寄言風雨休相妬
共待秋光月半輪

送趙邑博請歸

捧檄當年事已非

公執憑來任而罪輒坐此

傳經此日志偏

違那知絳帳同籩宿
却羨青山有壁歸
夜月含情淹別酒
關河灑淚濕征衣
人生宦迹渾如繫

何處冥鴻不可飛

聞秦美人將適許君子
紹戲東黃線嶺

僊姬天上飲瓊漿
慣向塵埃識大方
並蒂紅蕖開碧沼
雙棲紫燕語雕梁
風流仍復思黃憲
月旦應須問子將
明日五湖春棹遠
不堪回首望東牆

題黃戊生巢雲庵

黃子烟霞有夙癖
結茅其第曰巢雲
郁紛疑自蒼梧出
膚寸應從泰岱分
靜拂螢囊窺散帙
閒

飄塵尾伴論文幽棲不少騰凌意快觀乘龍跨

紫氛

戊生為余東牀故云

和湯梁南感懷 二首

山中何事久潛藏茹檠餐冰興正長幾為生塵
憐范釜還因脫穎羨毛囊林間風月閑情適杖
底烟霞宦業荒冷暖但教君自識中懷難與世

人商

為令空歸有幾人宦情如水淡相親眼前涇渭
誰能別夢裏悲歡總未真西土謳吟空歲月東

山嘯傲任風塵應知五斗非君意彭澤千秋一
後身

雪夜奉柬王儀翁邑侯

終朝晴燠已冬殘雨雪紛紛送夜寒乍凜飛翼
侵酒薄俄驚飄絮逼裘單陽春信有人能和偃
卧爭知令可干匝地懽騰應是瑞曉梅花發獨
醒難

送廣德宗侯旋充兼寄乃兄廣信

廿載離羣思鬱陶偶逢介弟問詩豪王孫才已

無雙俊驃騎名從第五高柳外清霜分縞袂梅
邊殘雪戀綈袍故人潦倒青山曲空復悠悠歎
二毛

答洪玄鶴次韻

山水幽盟到處尋知君逸興寄瑤琴行疑跨鶴
遊偏適技擅雕蟲隱更深故國頻勞清夜夢新
詩半嘔少年心乾坤落落無同調旅館孤尊祇
自吟

和王止齋五日悼女原韻

才臨佳節已凋清回首何堪度此朝蓬鬢尚憐
香在幄蒲觴未舉淚盈瓢清霜那許侵滿鬢
帶休令似沈腰指日孤懸甲第迥與君携手醉
中宵

送竇五二孝廉還晉

時乃翁秉教晉岸

邂逅論交勝故知那堪相見節相離鱸堂曉夢
牽情處雁塔春風得意時烟雨凄迷孤劍遠
山寥落半函暹與君共醉東籬菊記取登高
別期

送王奕昭

仙郎挾策獻彤庭
吞吐風雲等有靈
雅質龍頭欽北斗
忽搏羊角奮南溟
明光起草神偏上
苑看花鬢未星
蒿日時艱需幹濟
熙朝此日重明經

送王儀狎邑侯擢東萊都丞

雙鳧飛去指萊城
借寇紛紛馬不行
百里栽花春並遠
三秋茹檠水同清
中原老我愁多故
東國從君見太平
把酒臨岐各灑淚
并州回首不勝情

勝情

送浦司訓擢諭咸陽
輒拂衣東歸賦此羨之

渭水欣逢絳帳開
如何返棹向蓬萊
卽看浮海人千里
忍對分襟酒一杯
好傍鷗盟尋舊侶
還同漁父覓新裁
每嗟仕宦車生耳
勇決如君亦壯哉

珠樹館集卷之八

廩丘李 瓚玉舉著

平干劉榮嗣敬仲選

五言排律

賦得華嶽三十韻爲總河劉公華石壽公

籍華州

靈嶽西維重合榮萃百昌峻嶒蟠玉井
巖嶮鎮金方七聖鍾龍虎三山集鳳凰
明星懸掌露落鴈逼扶桑谿響春流白
峰昏曉霧黃關河連漢

時城邑列秦疆絕頂分孤峻陰風晦大荒石磴
中祠側天門太乙傍終南來碧靄渭水繞滄浪
朝暮泉源瀉寒暄草木芳清禋虔望秩生殖肅
斤襄壁立五千迥雲橫百二長攢煙沉石榻疊
嘯聚仙房金液安期授瑤漿毛女嘗鹿騎仿蓮
葉龍駕颺霓裳居然君子配久矣至人鄉勝谷
藏靈淑神區產棟梁時明欣兆瑞嶽降美呈祥
憲乘中原鉞波清萬國洋丹書新捧日繡斧舊
凝霜直聲畱魏闕孤望擬靈光北極恩纔渥東
山鬢未蒼鼎彝歸制府砥柱借巖廊沉壁助應
爛錫圭寵未央仲春花滿樹初度酒盈觴鶴舞
娟娟月鸞回裊裊香籌添滄海屋顏駐岱宗陽
欸渥情無極謳歌喜欲狂吹噓流闔澤濡沫沐
餘慶願效如川祝千秋共渺茫

賦得森木亂鳴蟬八韻

灌木掛晴霓蟬鳴日未西羣飛蒼霧起深入翠
煙迷結翼纒臨閣聯音忽傍溪橋頭千樹遍水
上數聲齊斷續隨鶯轉低昂亂馬嘶拂雲爭噓

嗟激草動萋萋逸韻飄歌席長吟遠樹藜可堪
秋色迤獨抱一枝樓

浴鶴詩

余庭前一鶴時飛向南陂對浴一日携
友往觀見其拍浮水中馴擾岸上殊可
愛玩因作浴鶴詩十韻

雙鶴吾家物時來碧水涯臨流情共洽迤沼路
偏知漫浣凌霄翮輕翻戲海姿拍浮依浪起宛
轉逐波移玉立長川迥光分夕照遲傳聲飄淥
澗弄影寫清陂身自雙流潔心仍萬里期同鳴
高詠處對舞晚涼時僮狎驚還落魚遊逝復窺
何如鳴洛浦幾見濯華池

雨中樊以續招同諸社友集歡德星樓分
得秋字

名園疎雨集爾日喜從遊林靄開新碧庭花媚
早秋煙花橫把臂暝色入登樓藤覆空巖濕松
環曲徑幽座邊鴻鴈動天際白雲流返景高還
下餘霞散復收飛香來樹杪細響落城頭窈窕

清音雜淒涼錦瑟浮歌從桃葉艷詞入竹枝悠
詩最能光祿情應劇莫愁論交卑管鮑對酒狎
羊求顧曲歌黃鵠尋盟侶白鷗晚風頻送竿爽
氣亂盈眸芳草屐同藉深苔衣自掘勝遊那惜
醉昏黑尚淹留

許符卿年伯欵讌兼惠玄宰真蹟賦謝

歸卧青山後相逢白眼餘明時官不達傲吏計
何疎湖海開新社蓬蒿掩舊廬沾衣論世講倒
屣辱恩嗟雞黍清卿讌龍文太史書玄言殊未

已斜日促征車

清源諸君子邀飲遊泛分得舟字

何處堪逃暑沿河泛小舟陰晴分兩岸汶衛集
雙流簫鼓風前落壺觴水面浮開筵諸美至解
纜七賢遊客有七人携衆
姬相繼趨約云玉指拈詩韻金釵佐
酒籌蒼茫生錦浪欵乃雜清謳簾卷千帆暮襟
披五月秋橋邊猶繫馬沙畔已眠鷗星影紛無
數湖光爛不收莫愁歸棹晚月上北城樓

別采仲詔

溽暑動行裝清宵戀別觴榻懸書畫舫帆掛水
雲鄉河朔情猶劇陽關意已傷驪歌休促棹郢
曲尚餘梁有賦題鸚鵡無裘典鸚鵡公有相如
之嘲故云
離愁與歸興一夜滿奚囊

喜伯兄生子

伯也強年近生雛喜可知荆花稀舊夢王樹茂
新枝璋弄非爲早珠還未覺遲謀堪貽燕翼瑞
已兆螽斯跨竈情何恨懸弧望未涯一毛終是
鳳千里自成雛瓜瓞綿餘慶還歌祖德詩

輓靳光祿公郎

短折情何極悲哉爾不辰青箱餘架閣白雪繞
梁塵神氣韜靈鏑英風抱席珍時名歸後裔舊
德仰先臣世業欽懷璞家聲擬負薪凌雲方鼓
篋埋玉忽迴輪珠墮高堂掌光祿萱堂
更痛惜之蘭摧繼

世身空庭驚賈鵬弱植偃莊椿淚灑江天雨魂
銷濟水春西河空掩泣北海漫停醇廣柳歌聲
咽長松墓木新吁嗟共所恨非獨二喬親公子
爲余

僚婿

故云

寄總憲馮少墟先生

海內談名理惟君得正宗
洙流分遠派華嶽仰
高峰異數隆三錫殊知結
九重東山崇舊德
西土表孤踪日月終難晦
唐虞豈易逢中臺虛
席久趨召莫從容

漢中侯太守鄉賢詩

闡德幽光煥酬庸祀典優
鼎彝欽夙望俎豆儼
遺休血自黷宮食神從聖
域遊謳歌餘五袴尸
祝永千秋漢水名猶在
桐鄉淚不收粉榆依寵
旣芹藻薦芳羞鳳羽輝
先闕龍文賁故丘儀刑
應未遠世美羨箕裘

七言排律

送方胥成之邊十六韻

黃雲千里暗邊塵
白髮蕭蕭送故人
豈謂文章終傲世
誰憐江漢竟垂綸
携來龍劍青萍合
賦就驪珠白雪珍
孤夢荒涼遊子興
百年馳逐異鄉身
金臺霽雨催征騎
碣石飛霜擁去輪
藜杖百年青眼潤
奚囊一紙白雲貧
地從絕漠分胡壘
關出高原見漢堙
玄菟月明通窈窕
白狼風起障嶙峋
哀鴻晚唳清笳暮
獨馬寒嘶塞草春

秋入鼓鼙驚遠道愁連烽火切高旻列營野燒
霞光爛較獵橫烟障影屯草檄陳生名故赫勒
銘班氏筆應神請纓自識從軍吏獻策還叅記
室倫幕府索題青玉案單于爭識白綸巾裁詩
祖席歌三疊把酒臨岐醉數巡尺素無令歸鴈
寂關門搔首柳條新

春日同沈無垓諸公讌集南池

三月來遊豈後時相携清興滿南池
芰荷瀲灩晴光入臺榭參差落照移
蛙鼓亭前喧暮急鶯

簧轡外弄春遲溪橋過雨花偏勝漲水浮煙浪
欲隨射日餘霞紛作色歌風弱柳故搖枝臨流
逸思滄洲得刻燭豪吟白雪知樓畔高懸供奉
月石邊空老少陵詩青雲公子名無恙芳草王
孫路轉岐濠上清談飛玉屑高陽仙侶洽金卮
習池取醉非難事倒着今朝白接離

米仲詔再招東園觀所藏諸奇石時始識

郎君於座上分九佳韻

何緣選勝追前集文酒重逢興復佳
豈向塵中

論意氣更于方外索形骸案頭古色摩奇石筆
底雄鋒逼險厓塵尾無玄非玉屑鳳毛有美睽
蘭階宜春一曲梁皆繞卜夜千觴座屢借可否
園燈還共醉明朝未許閉衙齋

客欲觀其海
從園燈故云

珠樹館集卷之九

廩丘李 瓚玉舉著

平干劉榮嗣敬仲選

五言絕句

宿嶧山彌陀庵 二首

碧落暝寒雲翠微
杳晴霧誰家燈火明
照見孤桐樹

天濶孤城小山高
積翠深清霜何處落
一夜滿雲林

曉行

曉風分曙色日出萬山紅
霜徑無人跡雙帆雲霧中

桃花口

寒雲低暮村風雨桃花口
閨中憶行人曾入都門否

望岱

霜林楓葉酣搖落心同醉
岱嶽暮雲橫遊人一停轡

杏壇

在平陰山中

荒山有杏壇叢草委巖石
斷碣隱龍文蒼苔深鳥跡

春宮怨

寶炬餘殘淚珠簾度曉雲
漏聲今夜盡春夢又辭君

秋宮怨

長門風色寒月隱梧桐樹
無眠看月明清輝落何處

折梅贈以續 二首

探梅雪在林疎冷惱春事欲以寄同心香風吹
晚醉

惆悵嗅寒香一枝春自折零亂寂無人
翛然飛玉屑

送葉茂先 二首

疋馬日東西落花沒馬蹄到來春色老不盡鷓
鴒啼

緇塵被衣巾懷君非一度東風若爲情斜日孤

城暮

涉園雜興 四首

瀾漫雨漲溪杳靄日沉閣簾外寂無人燕子飛
還落

朝移一片石暮惹白雲宿露頂坐夜闌松風鳴
謾謾

月出雲蔽天雲開月暎枕雲月有心無幽人坐
忘寢

細雨芭蕉色涼風菡萏蒼時相携一尊酒陡起數

聯詩

題畫 二首

青山深又深卷幔客何往幽興自携琴斜日孤亭上

秋浪拍天高歷歷芳洲樹空山落照銜衰颯楓林暮

題桃李圖送王廣文

花事饒紅白無言自愴神枝枝含別意桃李爲誰春

客中玩閏月

月既有閏明吾亦有閏賞豈因旅邸看倍覺清輝朗

集多寶園

酒腸客自寬詩膽誰堪敵醉後幾揮毫何妨疥僧壁

登甘露閣贈袁憲曹

秋老白雲司月明甘露閣消渴病文園清冷分半勺

東程性源

松影入簾幕寒鴉噪不休官閒天更雪獨上白

雲樓

白雲樓在性源署中即寓此

王侍中園戲東李銓部濬源

朝罷看花駐街杯興轉豪不知畢吏部何處曳
持螯

贈茆德甫

萬里他鄉客三秋同舍郎紅塵燕市裏白眼少
年場

米仲詔古石山房看梅

二首

四壁起青山山際梅無數移燈索笑看疑在羅
浮住

寒花對酒開入座香風軟門外踏層冰此中春
不淺

春興

八首

春事到園林東風暖何早行看小閣前一夜生
芳草

載酒聽黃鸝晴郊散野步撩人紅杏花半着園

中樹

日日逐風塵塵心難爲理臨流欲濯纓恐濁滄浪水

碧塢隕殘英黃埃昏野寺不知桃李叢何預風霾事

南國客猶在西園尊不空海棠看欲盡怨殺石尤風

可憐楊白花飛飛滿中路飛來似有情飛去不知處

幽懷醉不闌春興愁無那九十幾何時回頭二月破

三杯無恙酒一曲莫愁歌縱使春情淺鶯聲可奈何

戲題吳漢臣畫菊下鷄

黃華裛曉露絳幘映秋晴未許籬邊着須防餐落英

五日同楊寰中小酌看蓮

二首

濁酒泛昌陽風來苗萑香羣蛙解留客鼓吹滿

池塘

花前倒一尊塵世難同調莫學獨醒人白惹青
蓮笑

六言

燕臺贈別家兄

流年逝水不住曉騎凌風獨行美酒葡萄共酌
聯枝棠棣含情

鞦韆

皓月鞦韆輕影凌波高出樓頭羅裙嫋嫋風動
一片彩雲欲流

秋日雜興詞

五首

閉戶滿庭黃葉捲簾一片白雲菊蕊霜寒弄色

珠樹館集九

鴈行風急呼羣

短笛依稀蘿月狂歌嘯傲山村不用高樓百尺
但須濁醪一尊

風濤亂捲松徑溪漲斜穿竹林載酒尋盟何處
等閑容易知音

飄泊蘆花似絮淒清月色如霜誰家搗練聲急
何必愁人斷腸

酩酊陶潛數杯荒蕪將詔三徑流光逝水如斯
變態浮雲不定

戲柬高西澗

世事本自矇矓沉冥良有深意三閭大夫空醒
五柳先生自醉

題畫

萬樹琅玕一色空亭尊酒孤琴野鶴閑雲自適
高山流水知音

贈別

客路秋生紅樹離情酒盡青樓林杪荒村片雨
天邊遠水孤舟

九日送客

迢迢粵嶺雙屐渺渺吳江一舟把酒登臺送
白雲黃葉清秋

珠樹館集卷之十

廩丘李 瓚玉舉蕭

平干劉榮嗣敬仲選

北信絕句

九日送葉道生還江南 二首

滿城風雨送行杯一曲驪歌百尺臺極目大江
秋色暮霜前孤鴈逐人來

故園叢菊爲誰黃杯酒西風枉斷腸搖落此時
君更別不堪折贈滿林霜

題獨山餞別圖贈吳振華之濮 二首

突兀山光翠欲流
離亭一望雨初收
溪橋沽酒留君處
腸斷盤溝古渡頭
飛轡看君下濮陽
我仍倚劔獨山崗
不堪今日臨坼淚
爲爾新添瀑布衣

劉侯甘霖詩

一天甘澍落郊墟
此日蒼生轉困初
不向南郊瞻氣色
那知使者雨隨車

月夜聞笛

長笛脩然夜更幽
月明吹出亂山秋
美人無限臨風恨
倦倚欄干十二樓

雨中以續招飲竹畔鑿所藏書畫復以菜
藜脩觴分得來字香字

霏微烟雨入街杯
繞砌新痕遍綠苔
茉莉未殘香一樹
琅玕藂裏醉歌來
博山篆裊有餘香
圖史深窺秘閣藏
竹色雨聲俱不惡
却疑清夢落瀟湘

旅夜

荒山風雨暗青萍
徙倚柴門晚自扃
鴻鴈嗷嗷秋正半
一天砧杵夢中聽

送董聖褐之歙赴劉明府幕集杜句

四首

南遊花柳塞雲煙
橫笛短簫悲遠天
李杜齊名真忝竊
將詩不必萬人傳

莫恠頻頻勸酒杯
一生襟抱向誰開
天涯春色催遲暮
故國霜前白鴈來

語不驚人死不休
悲君已是十年流
舟楫渺然自此去
春風回首仲宣樓

貪趨幕府今晨發
欲問平安無使來
此時對雪遙相憶
皂蓋能忘折野梅

春郊

三首

綠楊十里曳山村
何處園林可避喧
莫訝萌芽
蕭瑟甚春風
從不到柴門
壚頭沽酒閃青旗
桃李參差亂出籬
跨馬乘春過陌上
接籬顛倒落花時

溪邊竹影翠交加
溪上鷗飛蕩淺沙
黃鳥聲聲聽不足
何妨沽酒向隣家

閨思

卧閣東風芳草遲
王孫此日更何之
夢回啼鳥春情雜
淚濕羅衫却爲誰

晚行

細雨平隄迥絕塵
東風疎柳暗生春
蕭條歸路孤雲暝
行到荒村不見人

題廩丘餞別圖送王賓吾

廩丘遠水帶寒煙
古寺停舟惜別筵
日暮鳴鴻天欲雪
一尊相望各潸然

長安客夜

二首

滿天鴻鴈月蒼蒼
旅館西風入夢涼
久客自應甘寂寞
鳳城秋夜爲誰長

擁衾無奈可憐宵
季子漂零歎敝貂
三匝月明空浪迹
一枝久已悞鸛鷯

歲暮

歲暮還家倍黯然
窮途回首淚空懸
梅間無數新開蕊
更忤愁人到酒邊

答葉茂先次韻

二首

白雲伏枕綠牕斜看竹客來野父家塵尾清風
滿巖谷可知結癖在煙霞

三徑疎蕪春不開空山剝啄美人來梅花亂墮
愁中月竹葉同傾醉後杯

七夕戲東以續兼致孫美人

新秋爽色入黃昏一曲琵琶酒一尊風雨不知
今夜約鵲橋何處度天孫

懷陸文弱

二首

遨遊歸棹滯江南離緒蕭條夢不堪一望布帆

春寂寞桃花灼灼柳毵毵

花落花開誰與共長吟長嘯若爲酬不知春日
江湖興曾憶茅亭泛碧流

贈別凌見龍

二首

夢落黃雲塞上秋邊風關月尙餘愁只今小隱
雕蟲技遍涉名山汗漫遊

歌酣白眼向秋空潦倒孤尊興不窮無數西風
吹別淚一江明月照丹楓

無題

四首

目送歸鴻江上春因風腸斷玉樓人生憎柳絮
千條弱似學纖腰舞態新

紅袖福襪駐綵雲天涯回首鬱金裙詞人久作
漂蓬客愧爾詩傳織錦文

楚妃堂上色偏殊秦女牕前興不孤直置風前
無限恨楊花飛雪滿頭顱

春江花月獨登樓未解盧家少婦愁底事緘書
無一字逢人空寄玉搔頭

雪中飲貞白宗侯第

珠簾高捲六花春惜別無妨貰酒頻共醉赤霞
館裏客可知大雪不干人

爲以續贈趙姬

八首

闌干十二倚風斜金屋佳人萼綠華遮莫清尊
沉曉月等閒爭得醉中誇

鬱金飄馥裊霓裳掌上輕盈翠袖長不是風來
荀令座趙家元自體生香

風情爭說老徐娘一曲清歌斷客腸解道相逢
又相別畫眉今日爲誰長

嬌姿無奈美人情
淡掃雙蛾弄玉笙
更向平康論粉黛
不知何處有傾城

池邊桂影漾婆娑
玳瑁簪寒怯綺羅
豈謂玄霜虛搗藥
分明月裏見姮娥

白團扇子障飛塵
雲鬢烟鬟宮樣新
曲罷雙眸才一顧
盈盈秋水欲沾巾

珠簾掛月坐箜篌
子夜新歌不解愁
直置醉容看未足
春風那更覓嬌羞

羅幃翠幙合歡牀
夢裏巫山若個長
此日武陵

花正好莫教春色怨劉郎

旅懷 二首

何處人家雙杵鳴
寒雲四起暮愁生
天涯一夜風前恨
吹入飛鴻帶雨聲

依微明月傷人孤
醉卧沉沉不可呼
客夢豈緣村漏斷
前山啼散白頭烏

送侯民部還朝 二首

鳳城春色五雲開
共指僊槎使者回
此去安邊須借箸
度支今日更誰才

十年聲價漢庭高，奉使乘春醉濁醪。
起草後只今山斗白雲曹，自明光

萌山得句寄于爾南

人日獨登山，上臺天涯何處弟。
春草句風流爭識惠連才，欲和西堂

暑病文弱詩慰賦謝

病熱如醒但欲眠，空山潦倒白雲前。
幽人句何日牢騷不可憐，不因三復

夏日山庄集杜句 十二首

柴門空閉鎖松筠，海鶴階前鳴向人。
風流盡莫厭傷多酒入脣，習池未覺

匣琴流水自須彈，冰漿盃碧瑪瑙寒。
回白首中天月色好誰看，病渴三更

雷聲忽送千峰雨，古木蒼藤日月昏。
圖畫裏歸雲擁樹失山村，飛閣卷簾

明日看雲還杖藜，先拚一飲醉如泥。
色殊衆目極傷神誰爲携，楚如堂上

露下天高秋水清，誰家巧作斷腸聲。
階前短草

泥不亂階面青苔先自生

清簟疎簾看奕棋呼兒覓紙一題詩側身天地
更懷古故國平居有所思

城邊野池蓮欲紅岸高壤滑限西東乘興杳然
迷出處江湖滿地一漁翁

浴鳧飛鷺晚悠悠許坐層軒數散愁獨把漁竿
終遠去微軀此外更何求

肯信吾兼吏隱名投壺散帙有餘清請看石上
藤蘿月何得愁中却盡生

鳴雨旣過漸細微卽看燕子入山扉謝安不倦
登臨費劉向傳經心事違

懷抱何時得好開天時人事日相催庾信平生
最蕭瑟江頭樹裏共誰來

黃鸝并坐交愁濕紫燕銜泥濕不妨寂寞江天
雲霧裏詩成吟咏轉淒涼

清源解纜行且數里蔣揚庭伯仲追祖河

于大醉書贈三絕

並馬相過有二難黃昏清興滿河干醉餘幾點

分襟淚灑向滄波十里寒
信宿孤舟泊淺流一尊渾似爲君畱斷橋野岸
相携處并作他年兩地愁
汶水湯湯向北馳河梁一望各淒其晚風帶雨
來波面催出尊前戀別詩

五日與馬比部澹真讌別東阿城樓

四首

斜日單車不暫停一尊相對晚山青卽云楚客
蕭條甚未可臨岐愛獨醒

淒風帶雨望江門並馬同舟此日論一憶山樓

蒲酒別那能兩地不銷魂

越山濟水路漫漫握手孤城去住難別淚不同

遷客灑恐添愁思滿征鞍

河橋分手各沾衣無計追隨悵獨歸極目吳江
匹練遠片帆千里白雲飛

過安平弔李雲野兼致令弟生共

二首

莫逆君家弟與兄山陽回首不勝情人間一失
無雙士海內爭傳第五名
傷心不復故人杯此日難登掛劔臺池上已驚

春草夢秋風猶逐鴈行來

安平有延陵掛劍臺

和張郡伯五鹿夜雪觀梅

十首

雪裏探梅興不孤
疎枝冷蘂雪模餽
使君官况清如許
賸有寒光照玉壺

南枝雪亞北枝殘
白破香飛片片寒
但許一杯索一笑
不妨亂墮水晶盤

何遜風流去不回
一枝冒雪爲誰開
爭高東閣題詩興
解有梁園作賦才

玉壺春酒坐相依
雪點疎林入望微
不是卷簾

看子細却疑枝上落花飛

凝香積素鬪芳華
彩筆縱橫夜有花
此日褰帷

應自見郡城春色萬人家

冷萼紛披不自持
瓊英好爲護春姿
寧教北海

尊前落莫遣東風
笛裏吹

官梅嗅罷雪初飛
那許燈前不醉歸
一自詩傳

芳信後陽春千載和人稀

寒香攀折鬢邊新
一種風流萬斛春
共指枝頭

花似雪爭看馬上玉爲人

最愛瑤華逐馬蹄清宵不惜醉如泥冰心一片
無人識贏得花香滿袖携
雪片紛紛點玉卮幽香恰受雪風吹郡齋此夜
春多少好向東風借一枝

和呂司理介孺紅梅春雪 十首

白雪初回庾嶺春羅浮僊子曉妝新東風似爲
憐嬌態亂送瓊花點絳唇

報道春林已着花雪飄絳幄一枝斜幽香幾許
清人骨肯向朱門鬪艷葩

東閣風來香滿枝西岡花發玉叅差若非一點
如丹萼埋沒芳心總不知

才見濃妝又素衣杏林桃塢是還非笛聲忽破
羅浮夢白雪時兼紅雨飛

芳林閣雪滿南枝冷艷相看別有姿底事甘同
桃李色可知不是歲寒時

冷落芳菲不忍攀施朱傅粉有無間含章簷下
驚相妬何處冰花上玉顏

花開疑是武陵谿幾樹茸茸帶雪低燕子踏來

枝上下許多紅怨不堪題

卽看眼底五花新香落魂消憶美人見說朱顏
渾似昨不堪折贈隴頭春

灼灼林中絢絲霞霏霏枝上結冰葩倩誰粧點
青春色一樹梅開兩樣花

座邊紅玉暗生香花盡飛羹酒盡觴才向青春
歌郢曲先收白雪滿奚囊

夏日雜興

五首

日長睡美院風宜亭午雲歸一片遲我憶東林

松樹下坐攀桐葉漫題詩

習靜山中理道書賓朋都向病中疎門庭解不
除芳草五柳先生久索居

照眼榴花一徑紅庭前鳥雀噪薰風荒村寂寞
柴門掩何處人聲近竹藪

長林偃息不知暑牀頭自檢栽花譜向夕風生
菜竹間聲聲淅瀝如寒雨

懶散廢詩兼廢酒終朝閉戶惟蓬首海榴一日
爲吾花開尊不用謀諸婦

一雨

何來一雨破炎蒸
颯沓園林爽氣增
返照下山松徑暮
斷虹百尺掛蒼藤

病懷

野人伏枕白雲秋
斜月淒風獨倚樓
林下疎砧天外鴈
夜來併起一聲愁

登樓

憑闌一抹晚燿生
風雨蕭蕭病客情
此日高樓聊極目
不堪秋色滿孤城

成恬然出守夔州
梁如星以光山令入

覲同酌敝齋偶賦

明時郡邑播清徽
召杜勲名世所希
五馬卽看錦水躍
雙鳧却向帝城飛

贈張伯皞山人

一首

太行秋盡水漫漫
千里行歌劒氣寒
自負錦囊無識者
新詩輕不借人看

一尊邂逅潞河濱
率爾詩成似有神
白眼詞場君自見
只今誰是和歌人

朔風吹鴈入寒雲
煙水蒼茫望不分
孤劔一揮
草草別那堪
去住惜離羣

趙鉅野瑞麥詩

麥浪青青麥秀肥
使君雨露自芳菲
逢人莫話
漁陽瑞今日
三岐瑞更稀

贈別

兩岸風吹別酒醒
片帆春掛晚山青
尊前柳色
還堪折陌上鶯聲
不忍聽

李生洲郭蒼林二戶部議餉未決將有上

殿之爭短句釋之

巖疆烽火借持籌
庚癸頻呼可自由
此日艱危
須共濟應知李郭本同舟

趙總戎招飲榆關城樓次壁間韻

戈戟森森列漢關
憑闌東望舊河山
將軍饒有
封侯骨早滅胡奴
奏凱還

和湯泉詩

有序

石門之北有湯泉
沍寒若沸暖可盪
酒澄
可盪沐見其亭畔
石碣題句宛然問之守

者曰此

武廟隨幸宮嬪畱題壁間者也其詩云滄海隆
冬也異常小池何事暖如湯融融一脉流
今古不爲人間洗冷腸蕊涼淒切情見乎
詞視婕妤紈扇翠屏紅葉諸詠奚以遜焉
誰謂髻黛中無詩豪也率爾效顰殊慙唐

突西子矣

才卸塵妝道勝常臨池渾似浴蘭湯長門多少
熱中意不待詩成已斷腸

卽席贈別

關塞遨遊西復東不堪離思亂寒風殷勤把酒
滿天雪明日漁陽是夢中

送秦淡園之長樂令

二首

杯酒河干對日斜雙鳧雲外路偏賒滿城桃李
畱春色又種河陽一縣花

閩海孤帆萬里開錫山烟月客歸來卽看畫繡
停車日已識先生製錦才

爲凝先贈韓姬

繡衾羅帶結同心錦帳烏雲碧玉簪一曲琵琶
人盡醉韓娥原有繞梁音

贈秦美人

有序

美人字半秋余識之黃線嶺座上書畫
琴歌靡弗佳妙信乎名下無虛時坐金
屋之下日醉錦瑟之傍酩酊畱連幾成
輕薄劉尹矣贈言如清平調數并以質

線嶺

秦女風流新樣妝凌波嫵娜鬱金香平生不作

無情態一覩嬌姿卽斷腸

白雪清歌出絳唇瑤琴獨倚翠眉顰憑將半熟
黃花酒欲試仙桃一種春

千觴莫惜醉油梳塵世難逢女較書綠綺聲中
清韻遠琴心今日遇相如

喜白素靈再至涉園

柳岸荷渠處處霜憑闌滿引故人觴亭前着意
看秋色叢菊駸駸爲爾黃

